

ԱՐՁԱՆԱԳՐՈՒԹՅՈՒՆ

Տավուշի մարզի Բերդ համայնքի Նորաշեն բնակավայրում կրթահամալիրի կառուցման շրջակա միջավայրի վրա ազդեցության գնահատման հաշվետվության երկրորդ հանրային լսման վերաբերյալ

11.09.2025թ.

Նորաշեն բնակավայր

Հանրային լսմանը մասնակցում էին՝

- հանրային լսման պատասխանատու՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Ռուզան Մակինյանը,
- «Հայնախագիծ» ԲԲԸ -ի ճարտարապետ՝ Հայկազ Սողոմոնյանը,
- Տարածքային զարգացման հիմնադրամի մասնագետ՝ Դավիթ Եսայանը,
- Բերդ համայնքի ղեկավարի տեղակալ՝ Մհեր Պապյանը,
- Նորաշեն բնակավայրի վարչական ղեկավար՝ Գոռ Աբրահամյանը,
- Նորաշեն բնակավայրի դպրոցի տնօրենը՝ Գագիկ Մխիթարյանը, մանկապարտեզի տնօրենը՝ Ռիտա Ուզունյանը, ուսուցիչներ և բնակիչներ:

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն, այսուհետ՝ Օրենք) համաձայն, ինչպես նաև ՀՀ կառավարության 28 դեկտեմբերի 2023 թվականի N 2343-Ն որոշմամբ (այսուհետ՝ Որոշում) սահմանված կարգով 2025թ. սեպտեմբերի 11-ին ժամը 12:30-ին Բերդ համայնքի Նորաշեն բնակավայրի վարչական ղեկավարի նստավայրում տեղի ունեցավ Նորաշեն բնակավայրում կրթահամալիրի կառուցման շրջակա միջավայրի վրա ազդեցության գնահատման հաշվետվության երկրորդ հանրային լսումը:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Ռուզան Մակինյանը, ով հանդես եկավ բացման խոսքով՝ ներկայացրեց փորձաքննական գործընթացը և կատարված աշխատանքները:

Հաշվետվությունն Օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններին կարծիքներ ստանալու համար: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնք հաշվի են առնվել լրամշակում կատարելիս և հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը նախաձեռնողի կողմից լիազոր մարմին մուտք լինելուց հետո, օրենքով և կառավարության Որոշման պահանջներին համապատասխան նշանակվել է հանրային լսում: Այս հանրային լսումն օրենքով 2-րդն է, 1-ին հանրային լսման արդյունքում համայնքի ավագանին տվել է իր նախնական համաձայնությունը:

Համաձայն կառավարության Որոշման՝ շահագրգիռ հանրության գրավոր կամ էլեկտրոնային կարծիքները, դիտողությունները կամ առաջարկությունները պետք է

ներկայացվեն ծանուցումից հետո՝ 20 աշխատանքային օրվա ընթացքում փորձաքննական կենտրոն:

Ռուզան Մակինյանը ներկայացրեց նախատեսվող գործունեության նպատակը, շրջակա միջավայրի բոլոր բաղադրիչների վրա հնարավոր ազդեցությունները և ՇՄԱԳ հաշվետվությամբ ներկայացված ազդեցությունների մեղմման վերաբերյալ նախատեսված միջոցառումները, մասնավորապես՝ մթնոլորտային օդի, հողային ռեսուրսների և այլնի վերաբերյալ:

Ռուզան Մակինյանը հարց բարձացրեց նախատեսվող գործունեության տարածքում առկա 37 ծառից 23-ը հատվելու վերաբերյալ և նշեց, արդյոք հնարավոր չէ շինարարական աշխատանքները այնպես կազմակերպել որպեսզի հնարավորինս քիչ ծառեր հատվեն:

Հայկազ Սողոմոնյանը պատասխանեց, որ հատվող ծառերի փոխարեն տնկվելու է 57 ծառ և 1401,60 մ² սիզամարգ, ինչպես նաև նշեց, որ իրենց կողմից կդիտարկվեն հնարավոր տարբերակներ ավելի քիչ քանակով ծառեր հատելու համար:

Ռուզան Մակինյանը հավելեց, որ կանաչապատման նախագիծը անհրաժեշտ է ներկայացնել համայնքապետարան՝ համաձայնեցման:

Հայկազ Սողոմոնյանը պատասխանեց, որ կանաչապատման նախագծով ընտրված են տարածաշրջանին բնորոշ ծառատեսակներ և կանաչապատման աշխատանքները սկսելուց առաջ նախագիծը կներկայացվի համաձայնեցման:

Ռուզան Մակինյանը հավելեց, որ շահագործման ընթացքում շենքի կանաչ տարածքների և նորատունկ բուսականության խնամքը հետագայում կիրականացվի կրթահամալիրի կողմից, ինչը կներառի նաև նորատունկ կանաչ գոտու վիճակի մշտադիտարկումները, որի ընթացքում կաչողականություն չապահովող ծառատեսակները կփոխարինվեն նորերով:

Մակինյանը խոսեց կրթահամալիրի համար նախատեսվող կոյուղու կեղտաջրերի մաքրման կայանի և մաքրված ջուրը կրթահամալիրի կանաչ տարածքների ոռոգման նպատակով օգտագործելու վերաբերյալ, այնուհետև առաջարկեց մաքրված ջրի ավելացած քանակը դրենաժային հոր ուղղորդելու փոխարեն թույլատրել բնակավայրին օգտագործել այգիների ոռոգման նպատակով:

Հայկազ Սողոմոնյանը ներկայացրեց կառուցապատման տեխնիկական ցուցանիշները, նախագծը, ինչպես նաև շինհրապարակի կազմակերպման աշխատանքները:

Նորաշեն բնակավայրի ղեկավարը հարց բարձրացրեց արդյոք հնարավոր չէ մանկապարտեզ հաճախող սաների քանակը ավելացնելու նպատակով նախագծում կատարել փոփոխություն:

Հայկազ Սողոմոնյանը պատասխանեց, որ նախագծային լուծումները գտնվում են կրթության, գիտության, մշակույթի և սպորտի նախարարության իրավասության ներքո:

Մհեր Պապյանը հարցրեց կրթահամալիրի համար անհրաժեշտ ենթակառուցվածքների վերաբերյալ:

Հայկազ Սողոմոնյանը պատասխանեց, որ կրթահամալիրը շահագործման ընթացքում օգտվելու է առկա ենթակառուցվածքներից: Նա հավելեց, որ կրթահամալիրը ջեռուցվելու է նկուղային հարկում տեղադրվախ 2 էլեկտրական կաթսաի միջոցով և նոր հողահատկացված տարածքում նախատեսված է արևային ֆոտովոլտային պանելների տեղադրում:

Ռուզան Մակինյանը հավելեց, որ նախատեսվող գործունեության տարածքում և հարակից մոտակա տարածքներում բացակայում են Կարմիր գրքյան բուսատեսակները, կենդանատեսակները, ինչպես նաև պատմության, բնական հուշարձանները և մակերևույթային ջրերը:

Հանրային լսումներում այլ առաջարկներ և դիտողություններ չներկայացվեցին:

Հանրային լսումները լուսանկարվել է «Շրջակա միջավայրի վրա ազդեցության փորձաքննական կենտրոն» ՊՈԱԿ-ի կողմից:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝

Ռուզան Մակինյան

«Հայնախագիծ» ԲԲԸ -ի նախագծող՝

Հայկազ Սողոմոնյանը